



Inkingi
Forces Démocratiques Unifiées
United Democratic Forces

“Pour un Etat de Droit, la Démocratie et l’Egalité de chances”
“For the rule of law, democracy and equal opportunity”

Raporo y’ibyakoze n’Umuyobozi mukuru wa FDU-Inkingi

Taliki ya 23 Mutarama 2010

Muri iki gitondo cyo kuwa gatandatu, taliki ya 23 Mutarama 2010, Umuyobozi mukuru wa FDU- Inkingi , Madamu Ingabire Victoire Umuhoza, yabonyanye n’umunyamakuru wa **RTBF** yo mu Bubiligi, Madamu Françoise Wallemacq.

Mu kiganiro bagiranye mu gihe cy’iminota mirongo ine n’itanu, Umuyobozi mukuru wa FDU Inkingi yashimangiye amatwara y’ishyamba ryacu n’ibyo yiyemeje kugeza ku banyarwanda. Ibyo bavuganye kandi byarebanaga n’ibi bikurikira:



- ❖ Impamvu FDU-Inkingi yiyemeje kuza gukorera mu Rwanda;
- ❖ Uko FDU-Inkingi ibona Ubwiyunge bw’abanyarwanda;
- ❖ Ikibazo kirebana n’ubusumbane bukabije hagati y’agatsiko kihariye ubukungu bw’igihugu n’umubare munini w’abanyarwanda uba m’ubukene bukabije. icyo kibazo nacyo kikaba gishobora kuba isoko y’umutekano muke mu gihugu. Mu Rwanda habibwe imbuto y’ubwoba, ku buryo abanyarwanda bakuwe umutima no kuyoboreshwa igitugu.
- ❖ Ubutegetsi buriho bwiyejeje kugira ubwoko bw’abanyarwanda ikintu cy’ubwiru (tabou) ariko mu nyandiko zabo nyinshi bakabivugaga ukundi nk’aho bavugaga ko ishyamba ryemererwa kwandikwa iyo rigamijwe ubumwe bw’amoko yose ari mu Rwanda;

Tel : (+250) 078583600
Fdu.inkingi.rwa@gmail.com
www.fdu-rwanda.org – www.victoire2010.com

Join us on **Facebook** - Watch us on **YouTube** - Follow us on **Twitter**: <http://twitter.com/VictoireUmuhoza>

- ❖ Amatora ya Perezida wa Repubulika ateganijwe kuba mu Rwanda muri Kanama 2010;
- ❖ Ikibazo kirebana n'itegeko rigenga amatora ritarasohoka.

Umuyobozi mukuru wa FDU-Inkingi yagarutse cyane ku bintu bitatu :

1. Ingoyi y'ubwoba iranga abanyarwanda ku buryo ibabuza kwisanzura no kuvuga ibibazo bibugarije.
2. Itegeko rigenga amatora ritaremezwa.
3. Komisiyo y'amatora igizwe ahanini n'abayoboke ba FPR, ari nabo bazitegurira impapuro zizakoreshwa mu matora, ibyo bikaba ntakizere bitanga ko amatora azaba mu buryo budafitse.

Umuyobozi mukuru wa FDU-Inkingi yasobanuye ko impamvu biyemeje kugaruka mu Rwanda no kuzagira uruhare mu matora y'umukuru w'igihugu ari ukugira ngo batabare Abanyarwanda babaha uburyo bwo kwihitiramo. Niba koko abenshi mu banyarwanda barambiwe cyangwa se badashyigikiye ubu ubutegetsu bamaranye imyaka irenga 15, turagira ngo tubahe uburyo bwo kubusezerera mu mahoro.

**Ibiro by'Umuyobozi mukuru
Kigali - Rwanda**

Tel : (+250) 078583600
Fdu.inkingi.rwa@gmail.com

www.fdu-rwanda.org – www.victoire2010.com

2

Join us on **Facebook** - Watch us on **YouTube** - Follow us on **Twitter**: <http://twitter.com/VictoireUmuhoza>